

ERASOA ESTATU BATUEN AURKA



PAUL CHIASSON/AP

Neska estatubatuar bat, World Trade Centerren eta Pentagonoaren aurkako erasoen ondorioz desagertutakoen afixe atsekabetuta so eginez.

Gero eta urriagoa da erasoetako biktima bizirik aurkitzeko itxaropena

AZKEN DATU OFIZIALAK

World Trade Center. 129 dira orain arte aurkitu dituzten hilak. Horietaatik 59 identifikatu dituzte. 400 gorputz zati aurkitu dituzte orain arte.

Pentagonoa. 189 lagun hil dira bertan. Horietaatik 64 hegazkinean zihoazen.

Desagertuak. Azken datuen arabera, 4.972 desagertu dira hondakinen artean. Udalaren iturrien arabera, baliteke 10.000 izatea.

Azken egunotako eguraldi txarrak eta George W. Bushen New Yorkera egindako bisitak moteldu egin ditu salbamendu lanak

Erredakzioa | DONOSTIA

Senitarteko eta lagunen argazkiez gainezka daude New Yorkeko kaleetako pareta, farola nahiz zuhaitzak, argazki bidez salbamendu lanak errazteko asmoak dituztela. Hondakinen artean desagerturik daudenak, oraindik asko dira. 4.972 dira desagertuak, datu ofizialen arabera, baina 10.000 izan daitezkeela ere adierazi dute Udalaren iturriek.

Salbamendu lanek jarraipena

dute bai World Trade Centerren bai Pentagonoaren inguruetan, nahiz eta ostiraleko ekaitzek eta George W. Bushen New Yorkera egindako bisitak moteldu egin dituzten lanak. Ekaitzaren ondoren nahiko arriskutsu izaten ari dira salbamendu taldeetako kideen lanak. Hori dela eta, hondakinak ateratzera mugatzen ari da, astearteko erasoen ondoren hondakinen artetik inor bizirik ateratzeko itxaropenak urriak baitira.

Hala eta guztiz ere, New Yorkeko alkate Rudolph Giuliani estatubatuarren aurrean egin dituen adierazpenetan hondakinen artetik inor bizirik ateratzeko aukerak badaudela azaldu nahi izan du. 124 gorpu atara dituzte orain arte eta horietatik 59 soilik identifikatu dituzte.

Egunek aurrera egin ahala, bi dorreen inguruko kaleak irekitzen ari dira eta badirudi saltoki asko beren ateak zabaltzen ari direla.

LABURRAN

HEGALDIK

Mundu mailako hegaldi gehienak normal egiten hasi dira

Azken egunotan EEBBeko aireportuetan izandako kaosaren ondoren, pixkanaka-pixkanaka, hegaldiak abian jartzen hasi ziren atzo. Hori dela eta, mundu mailako hegaldi gehienak normal egiten ari dira; zenbait aireportutan murrizketak egin dira hala ere. Datorren egunetan hegaldi guztiak normal egiteko hasteko itxaropena dago munduko aireportu nagusietan.

DOLUMINAK

Bin Ladenen senitartekoek doluminak eman dizkiete Estatu Batuetako biktimei

Osama Bin Ladenen familiak dolu deia egin du, asteartean New Yorkeko eta Washingtongo erasoen ondorioz hildakoen oroimenez. Senitartekoen esanetan, min handia sentitu zuten gertatutakoa ikusita, eta Estatu Batuen aurkako eraso nahiz bortxakeria oro kondenatu dute.

ATXILOKETAK

FBIren lehendabiziko atxiloketa lekuko batena izan da

FBI Federal Bureau of Investigation Poliziak lehen atxiloketa irmoa egin zuen ostiralean astearteko atentatu berrizko ikerketen barruan. Atxilotua osteguneko John F. Kennedy aireportuan galdekatu zuela adierazi du Poliziak. 25 lagun gehiago atzeman dituzte, guztira, baina denak askatu dituzte gero, kargurik gabe.

EUSKO JAURLARITZA

GOBIERNO VASCO

LURRALDE ANTOLAMENDU, ETXEBIZITZA ETA INGURUGIRO SAILA

DEPARTAMENTO DE ORDENACION DEL TERRITORIO, VIVIENDA Y MEDIO AMBIENTE

IRAGARKIA

Ingurugiro sailburuordearen Ebazpenez, jendaurrean jarri dira **Bilboko** eta **Arrigorriagako** udalerrietan, Sociedad Financiera y Minera SA (Cementos Rezola) enpresak sustatutako Larrako eta Goriko **Harrobietako** proiektua, eta proiektuak berak ingurumenean duen eragina neurtzeko azterlana, abuztuaren 20tik urriaren 1era bitartean. Proiektua eta proiektuak berak ingurumenean duen eragina neurtzeko azterlana interesatuen eskura egongo dira, kontsultatu eta bidezko iritzitako arrazoibideak aurkeztu ahal izateko, honako leku hauetan:

- Eusko Jaurlaritzako Ingurugiro Sailburuordetzako Ingurugiro Baliabideen Zuzendaritzan, Donostia-San Sebastián kalea, 1 Vitoria-Gasteiz.
- Bilboko Udalean, Campo Volantin 1 bis.
- Arrigorriagako Udalean, Urgoiti Ibilbidea 57.

Gehiago jakin nahi duenari erantzuteko teknikari bat egongo da irailaren 17an arratsaldeko 6etatik 8etara Arrigorriagako Udaletxean, eta irailaren 18an goizeko 11etatik ordu biak arte Bilboko Udaletxean, Hirigintza Arloan, Campo Volantin 1 bis, beheko solairuan.

EUSKO JAURLARITZA

GOBIERNO VASCO

HEZKUNTZA, UNIBERTSITATE ETA IKERKETA SAILA

DEPARTAMENTO DE EDUCACION, UNIVERSIDADES E INVESTIGACIÓN

MEREZIMENDU LEHIAKETARAKO DEIA ZERBITZU EGINKIZUNETAN BERRITZEGUNE, ISEI ETA CEIDA HEZKUNTZARI LAGUNTZEKO ZERBITZUETAKO LANPOSTUAK BETETZEKO ETA ITSUEN BALIABIDETEGI ETA ZEINUEN HIZKUNTZAREN INTERPRETARIENA.

Pertsonal kudeaketarako zuzendariaren irailaren 14ko Ebazpenaren bitartez Berritzegune, ISEI eta CEIDA hezkuntzari laguntzeko zerbitzuetako lanpostuak zerbitzu eginkizunetan betetzeko deialdia argitaratzen da. Halaber, Pertsonal kudeaketarako zuzendariaren irailaren 14ko Ebazpenaren bitartez Itsuen Baliabidetegi eta zeinuen hizkuntzaren interprete lanpostuak zerbitzu eginkizunetan betetzeko deialdia argitaratzen da.

Ebazpena Hezkuntzako Lurralde Ordezkaritzetan eta Eusko Jaurlaritzako web orrian aurkitzen da (www.hezkuntza.ej-gv.net).

Eskabideak aurkezteko epea 2001eko irailaren 21ean bukatzen da.

HEZKUNTZA BERRITZATZEKO ZUZENDARITZA

Aranoko Udala

LORENTXONBORDA HERRI BIDEAREN OBRAREN EXEKUZIO KONTRATUA

Aranoko Udalak, 2.000ko irailaren 7an egindako Aparteko Udalbilkuran, aipaturiko obraren kontratazioa hasia erabaki zuen, ondoren aipatzen diren datuen arabera:

Xedea: Lorentxonborda herri bidearen obra exekuzioa.

Esleipen modua eta prozedura: Egunkarian argitaratutako prozedura negoziatua, Nafarroako Administrazio Publikoaren kontratuak arautzen dituen 10/98 Foru Legearen 82 artikulua araberak.

Aurrekontua: 11.719.785 pezeta (BEZ-a barne)

Eskaintzak aurkezteko epea: 2.001eko urriaren 4a arte, eguerdiko ordu bitartean, Aranoko Udaleko Idazkaritzan. (Goiko Kalea z/g 31.754. ARANO)

Behin behineko fidantza: aurrekontuaren %2a.

Eskaintzen irekiera: Aranoko Udaleko Batzar Aretoa, 2.001eko urriaren 11ean, arratsaldeko 17:30ean.

Obra honen Proiektua eta Baldintza Administrazio partikularren plegua, edonork kontsulta ahal izateko, Aranoko Udaleko Idazkaritzan aurkitzen da: (Goiko Kalea z/g .31.754. ARANO. Tel.mugikorra 696429896).

Aranon, 2.001eko irailaren 14ean.
Alkatea, Iñigo Larrea Perurena.